

木星火星相近占



木星



火星


朱文公曰

木火相近為戰早飢

宋志曰

木火合為旱為飢以戰則此
軍困一云大臣匿謀下有反
者必主亡地又曰為內亂一
云相犯為大戰

木星蝕掩火星占




朱文公曰

蝕而掩國亡君惡

宋志曰

歲星與熒惑食而相掩人主
惡之一云三年國亡

木星火星合而闕占




朱文公曰

合而闕殺將憂賊

宋志曰

木火合而為闕為旱為飢又
曰子憂父國憂賊

火星觸木星占




朱文公曰

火觸木子孫之慶

宋志曰

火觸木子孫之慶尺下受福

木星觸火星占




朱文公曰

木觸火國亂憂疾

宋志曰

木觸火國亂民疫病

木星土星合犯占




朱文公曰

木土合犯有兵戰敵亦為謀
更代之事又為飢內亂之異

宋志曰

木土合野有兵相攻又曰土
木合有謀更代事上勢自弱
又曰戰必敗亦為飢又曰為
內亂民飢

木星與金星合而交關占




朱文公曰

合而交關兮軍破將死而內
亂

宋志曰

木金合關國有內亂大將死
野有破軍又為水

木星與金星環繞占




朱文公曰

合而環繞今軍破逐相而亡國

宋志曰

木與金環繞下東下西者逐相一云金環繞木其下破軍殺將亡國

木星與金星合闕占




朱文公曰

合闕於東外有兵戰合闕於西內有死土

宋志曰

木金合闕有白衣之會

木星與水星合占




朱文公曰

歲與辰合內兵來戰有兵不利先起亦為變謀更事

宋志曰

木與水合內兵有戰又為變謀更事又曰國有水災人民流亡

歲與辰星相犯占




朱文公曰

相犯為兵興守之憂賊至

宋志曰

歲星與辰星相犯太子憂一云相犯為兵若守之有賊至

火星與土星合占




朱文公曰

熒惑合填為憂禍喪亦為大人惡之又為舉事之殃

宋志曰

火與土合為憂又曰為禍喪其國不可舉事用兵必受其殃又為兵亂為旱為喪

火星犯土星占




朱文公曰

犯之旱亂大戰或為女子之當

宋志曰

熒惑干填星大旱合而犯之將軍為亂又曰犯之旱大戰或為女子當之一云大人惡之

火星犯金星占




朱文公曰

火犯金兵起而主凶

洪範傳曰

火犯金人主亡天下憂兵起

金星犯火星占



朱文公曰

金星犯火逆謀而主病

宋志曰

金與火相犯其下為大戰太

白所在之方其分軍敗

熒惑與太白犯而或鬪占

朱文公曰

大戰殺將兮犯而或鬪

宋志曰

熒惑與太白鬪諸侯王相有
喪若離國多盜賊若戰殺大
將歲飢



金星與火星相守占

朱文公曰


流血盈野兮守而不動

宋志曰

金火相守其間容斧血流其
野客野有流血久守血流滿
野



水星火星相近占




朱文公曰

水火相近不宜用兵

宋志曰

野有兵不戰兵在外亦罷

火星觸水星占



朱文公曰

火觸水僭叛世亂水觸火主

哭于宮


宋志曰

火觸水僭亂一曰有異姓主

水觸火主哭泣于宮太子不

安

熒惑與辰星相合占




朱文公曰

若合則赤地千里

宋志曰

熒惑與辰星合為飢將出軍
行大敗有覆軍殺將在秋為
兵在冬為喪又曰為涿不可
舉事用兵反受其殃有軍不
利先起為主者勝入水故曰
涿

木星金星南北同度占




朱文公曰

歲白同度軍戰將死

宋志曰

歲星與太白合大亂有軍相
戰大將死一云為白衣會為
水為飢為疾為亂為喪一云
金星在南其年穀熟金星在
北歲偏無成一曰歲星與太
白合光其野有謀兵亂

木星與金星相犯占




朱文公曰

木金相犯臣黜女喪

宋志曰

歲星犯太白草木再死再生
太白犯歲星天下有賊或民
飢

火星守水星占




朱文公曰

相守則儲憂赦行

宋志曰

火守水太子憂有赦

土星與金星合占




朱文公曰

土金合矣其國亡地為白衣而為疾若為內兵而為水

宋志曰

土與金合其國亡地又為內兵而為疾相近數寸間女后憂土金合則為疾為內兵若為白衣又為水

土星與金星合於太微占



朱文公曰

國有大兵則合於太微

宋志曰

土金合于太微國有大兵

土金星俱入營室相守占

朱文公曰

天下兵謀則合于營室

宋志曰

土金俱入營室相守為兵為疫




金星于土星占

朱文公曰


金星于土五穀不熟

宋志曰

金星于土為敗殃惟飢之亡



金星犯土星占




朱文公曰

金星犯土太子不利

宋志曰

金星犯土太子有憂

辰星入太白而上出占




朱文公曰

辰星入太白而上出為主者
破軍殺將

宋志曰

辰星入太白而上出客敗破
軍亡地殺將為主者不利

辰星入太白下出占




朱文公曰

辰星入太白而下出為客者
亡地多愁

宋志曰

辰星入太白而下出客敗破
軍亡地

土星與水星合為壅阻占




朱文公曰

土水合處則為壅阻不可用
兵舉事或為更事變謀戰之
客敗或有陰謀

宋志曰

土與水合不可舉兵入兵得地出兵無
地又曰土與水合為壅阻水性雍而潛土故曰
壅阻主命不行所在之分不可舉事用兵
必受其殃破軍殺將出兵亡地入兵得地若戰
敗曰變謀更事為飢為旱又曰亡國夫
地有陰謀若合虛中齊國地動秋水出

金星相留犯水星占



金星

水星


朱文公曰

國有憂懼金水相留金犯水
家國不安之候水犯金將相
傾敗之由

宋志曰

辰星犯太白相傾敗之由一
曰摩太白國傾危

水星環繞或闕金星占



水星

金星


朱文公曰

環繞或闕或大亂而為內亂

宋志曰

辰星與太白環繞或闕客勝
一云兵在外則有內亂

金星與水星相合占



朱文公曰

相合若旗為憂謀而為兵憂


宋志曰

辰星合金為變謀若旗為兵

憂一云太白為主辰星為客

則有兵戰勝

二星同度占



朱文公曰


二星同度遠則毋傷

天文占曰

二星相近其殃大相去遠則

毋傷七寸以內必占之

三星若聚占




朱文公曰

三星若聚改立侯王

宋志曰

三星若合是謂驚立絕行其
分國內外有兵喪改立侯王

四星若合占




朱文公曰

四星若合是謂大盪開其閔
梁而兵喪並起

宋志曰

四星若合是謂大盪其下兵
喪竝起閔開盪滌也

五星若合占



朱文公曰

五星若合是謂易行有惠受
慶而亡德受殃

宋志曰

五星若合是謂易行有惠受
慶子孫蕃昌亡德受殃天官
書曰五行合改立大人奄有
四方

天紅占



朱文公曰

天紅乃兵戈動起國削民流

宋志曰

天紅乃有大兵起國中君惡
兆民離散

夜行火見妖生占



朱文公曰
夜行火見妖生民喪危亡矣
宋志曰

見火發於夜滅而無灰則妖
恠竝臻庶民病喪也

地燃占



朱文公曰

地燃則賢人出見臣強君弱

宋志曰

地燃則賢人出見大臣專政
兵起中原

地湧出佛像占



地湧出佛像占

朱文公曰

地湧佛像兵起于夷

宋志曰

地忽有神佛見像湧出者天下易主人民流亡五穀微收
蟲蝗為害

獸畜作人言占



獸畜作人言占

朱文公曰

獸畜忽作人言盜賊中興

宋志曰

禽獸作人言中原兵起夷狄
來侵大凶

朱文公曰
宋志曰
禽獸作人言
中原兵起
夷狄來侵
大凶

地上諸蟲生占



此主土錢占

朱文公曰

地上諸蟲生發國用佞人

宋志曰

諸蟲生發則大飢饉人民流
移夷兵來侵

地生土錢占



此主土錢占

朱文公曰

地生土錢國者流亡

宋志曰

地忽生土錢則人主惡之盜
賊起于宮內女主憂驚

瑞星占



朱文公曰

唯夫帝王有德天見其瑞

宋志曰

瑞星者福德之星天下有道

則見星者

晉書曰

瑞星

瑞星者福德之星天下有道

宋志曰

瑞星

周伯星占



周伯星占

朱文公曰

國欲昌周伯黃光

宋志曰

周伯色黃潤而澤煌煌然見

則國昌

晉書曰

周伯星黃色煌煌然所見之

國大昌

宋志曰

周伯星黃色煌煌然所見之

朱文公曰

天褒星占



天褒星占

朱文公曰

國有喜天堡流墜

宋志曰星隕不射而墜

天堡若流星而有音如煙火

晉至地如野鷄皆鳴所墜之地

有慶當百八

不天墜於地則星隕也

蘇軾曰星隕於地則為石

朱文公曰

不墜而墜於地則為石

格澤星占



格澤星占

朱文公曰

不種而獲格澤之氣類火

宋志曰

格澤類炎火而色黃白上銳

下大起於地而漸見則不有

土功當有大災

晉書曰


格澤狀如炎火下大上銳色

黃白見則不種而獲

西晉書天堡流墜

朱文公曰

含譽星占



朱文公曰

夷狄奉化含譽之焰若彗

宋志曰

晉含譽光焰似彗見則人君施

孝德興禮樂而人民和夷狄

奉化則含譽射焉

晉書曰

含譽光焰似彗則含譽射

景星如月占



景星如月占

朱文公曰

景星如月而助月德厚含天

宋志曰

景星主德厚見則其國大昌

晉狀如半月生於晦朔助月為

明或曰星大而中空發號施

含含民心制禮作樂得天心也

晉書曰

宋景星如半月生於晦朔助月

為明亦名德星天子至孝海

未肉歡悅德潤八方

歸邪星占



歸邪星占

朱文公曰

歸邪如雲而若星慶其歸國

宋志曰

歸邪如星非星若雲非雲或

生兩赤彗上向如張蓋而下

有星相連

漢書曰

歸邪星如星非星如雲非雲

孟康曰

歸邪星有兩赤彗上向如張

蓋狀下連星出必有歸國之慶

孛星占



朱文公曰

光芒四出者曰孛孛星為兵也

宋志曰

孛星光芒四出本類彗星小

者數寸長者橫天體大無光

假日為光所指隨日晨見則

東指夕見則西指


晉書曰

孛星彗之屬偏指日彗芒氣

四出曰孛又曰非常惡氣之所

生內不有大亂外必有大兵

彗星占



朱文公曰

彗星為喪氣也除舊布新合謀闡蔽長自三丈以至橫天其形與孛畧同而異


宋志曰

彗星者古人為天教又為天地之旗彗者所以除舊而布新也

晉書曰

彗星所謂掃星本類孛星小者數寸長者亘天見則兵起大水

天棊星占




朱文公曰

天棊星之妖本類彗星而末銳東出為棊而主奪爭

宋志曰

天棊星本類彗星末銳長三四丈出東北方主奪爭

天槍星占




朱文公曰

天槍本類彗星末銳西出為槍而捕制

甘德曰

槍星本類彗星末銳長二三丈出必有破國亂君

國皇星占



朱文公曰

國皇類南極而體大主寇難而為兵喪

宋志曰

國皇大而赤類南極老人或去地一二丈如炬火主內寇難為兵喪若見東南為急兵


晉書曰

國皇大而赤類南極主內難外有兵喪

天槍星占

朱文公曰

天衝星占



朱文公曰

天衝如蒼人而首赤為臣謀
晉而主滅位蒼髮之妖占為義不


宋志曰

天衝如人蒼衣赤首不動主
滅位見則臣謀主武舉卒發
天子憂

晉書曰

天衝如人蒼衣赤首不動主
滅位見則臣謀主武舉卒發
天子亡

蚩尤旗占



朱文公曰

蚩尤類彗而委曲為旗帝將
暴虐而征伐不已


宋志曰

蚩尤旗類彗委曲如旗福長
二三丈或四望無雲而赤雲
獨見如旗所見之方下有火
兵起

晉書曰

蚩尤旗類彗而委曲為旗見
則王者征伐四方

昭明星占



朱文公曰

昭明如太白而光芒不行占以為起霸而或為起德


宋志曰

昭明狀如太白光芒不行體大色白而有角如三足上有九彗見則兵大起天下有喪多變而大人凶

晉書曰

昭明如太白光芒不行以為起霸起德之兆

司危星占



朱文公曰

司危如太白而有目臣行主德而國相殘賊

宋志曰

司危如太白而有目或數動而赤或大而白或芒大而有一毛兩角相抱所以平非也

晉書曰

司危如太白有目出西方為爭之兆主擊強見則失法

朱文公曰

天攙星占



朱文公曰

天攙出西方而如劍枯骨籍籍而赤地千里

宋志曰

天攙又名斬星彗出西方如劍長可四五丈主殺將又為其下內亂赤地千里枯骨籍籍然也

五都滅亡彗星丹赤占



朱文公曰

五都滅亡彗星丹赤此歲星之精流而為彗者

宋志曰

赤彗主滅五都

五殘星占



朱文公曰

五殘上有五枝率亡毀敗

宋志曰

五殘又名五鋒一本而五枝

音出東方類辰星而白或赤而

中青氣如暈有毛五殘者五


分也又為兵喪政在辰下或

藩屏天子有急兵

晉書曰

五殘類辰星主乖亡為急兵

獄漢星占



獄漢星占

朱文公曰

獄漢下有三星逐王兵起

宋志曰

獄漢又名咸漢出北方青中

赤表類辰星下有三星縱橫

見則為兵天下有喪

晉書曰

獄漢星青中赤表下有三星

宋主逐王出則兵起

獄漢星占

朱文公曰

六賊星占



朱文公曰

六賊星其類熒惑為兵喪光動而赤

宋志曰

六賊形如彗一曰類熒惑見南方赤大動而有光則為兵喪

晉書曰

六賊大而赤動而有光或曰形如彗見則其分有兵喪

彗星占




朱文公曰

彗星類彗殃占宿地

宋志曰

彗星本有星末類彗見東南方出則其分受殃

旬始近北斗狀如雄鷄伏鰲占朱文公曰



旬始近北斗狀如雄鷄伏鰲占

旬始近北斗而類雄鷄其怒如伏鰲而色青黑主亂安且主改更為暴屍而為積骨

宋志曰

旬始又名蚩尤出北斗旁如雄鷄其怒青黑而象伏鰲主兵亂主指橫見則為改更

晉書曰

旬始出北斗旁如雄鷄其怒色青黑象鰲主爭兵見則臣亂

忽爾黃孛見之占



忽爾黃孛見之占

朱文公曰

忽爾黃孛見之當有女亂者

晉矣

宋志曰

黃孛見之主女亂

宋志曰
忽爾黃孛見之當有女亂者
朱文公曰
忽爾黃孛見之占

天狗星流占



朱文公曰

天狗星流止地類狗聲所墜
如火衝天流血盈野伏屍滿
谷白雲橫天斬強是主


宋志曰

天狗其星有尾旁有彗下如
狗形又如奔星色黃有聲類狗

晉書曰

天狗星色黃有聲其止地類
狗所墜望之如火光炎炎衝
天則見破軍殺將之兆

枉天星如蛇行占



朱文公曰

枉天若流星而蛇行色蒼黑
如有毛目反兵合射而所誅
以亂伐亂而臣酷

宋志曰

枉天方彗之象類大流星色
蒼黑蛇行望之如有毛目長數丈

晉書曰

枉天類流星色蒼黑蛇行望之
如有毛目長數丈類正帛着天
見則臣謀反兵亦為以亂伐亂

營頭星占



身真星占

朱文公曰

營頭如壞山似墜軍大流星如雷而畫出所墜有大戰而拔城有覆軍流血而積骨


宋志曰

流星晝隕曰營頭有聲如雷光照人野雉皆鳴羣鳥盡驚

晉書曰

營頭有雲如壞山以墜所墜其下有覆軍流血千里


長庚星如布占



宋志曰

長庚如一尺布着天見則兵起

天鋒星占



天七星占

朱文公曰

天鋒似鋒二星所見皆為兵

晉起

晉書曰

天鋒彗象予鋒天下縱橫則
天鋒見

老子星占



天七星占

朱文公曰

老子則淳淳然色白者兵大
起


宋志曰

色白淳淳然所見之地為飢
為凶為惡為怒又曰兵大起
人主憂除舊布新明大者為
客星與老子同占

晉書曰

老子星淳白所見之國為飢
為凶

逢星熒熒然占



朱文公曰


逢星則熒熒然色青者穀不登
宋志曰

逢星大如二斗色白又曰色黃白方
不過三尺如夜火之光多則四五少則
一二或出西南長數丈左右銳出
而見處其地受殃若出正東正
南東北不早即水五穀不成或如
粉絮出北斗間為諸侯奪地

晉書曰

逢星大如二斗氣色白星見不出三年有亂臣

赤氣竟天占



赤氣竟天占

朱文公曰


赤氣竟天格澤之氣伏屍之
象流血之徵

宋志曰

格澤氣赤如火炎炎衝天上
下同色東西亘天南北可長
四五里為兵起其下伏屍流血

赤星熒熒然占

燭星上有二彗占



彗星出飛燕占


朱文公曰

燭星上有二彗所見大盜不成

宋志曰

燭星入太白而不行不久而滅或曰星上有二彗所燭地城邑亂若出東方兵戰不勝出南方亡地出西方其地有喪出北方色赤其地兵勝

漾星如牙旗占



朱文公曰

漾星為亂也夜有赤色

宋志曰

漾星一曰刀星夜有赤氣如牙旗或長或短四面西南最多亂之像也或遍天薄雲四方生赤黃氣長三尺乍見乍沒尋皆消滅見則兵起大戰流血

白星占



朱文公曰


白星為喪也似星非星

宋志曰

白星非星如星狀如削爪主

未有喪

客星占



朱文公曰

非其常有是為客星體小去

速者事微而禍淺芒角見久者

事大而禍深黃為土功而得地赤

為殺將而侵城青黑則其下多

病純白則其分多兵

宋志曰

客星亦占其色青憂疾病赤

而芒角其下破軍殺將侵城奪邑

白色其分有兵喪黑色兵亡

之象皆以宿次分野占之

王蓬星狀如粉絮占



朱文公曰

王蓬狀如粉絮飢儉或兵

宋志曰

星蓬如粉絮沸沸然主其下
兵飢或喪又為白衣會色青
熒熒然所見之地風雨不時
蝗蟲樵枯而物不生

晉書曰

蓬絮星色青而熒熒然見則
風雨不節五穀不登

溫星出四隅占



朱文公曰

溫星之出四隅所生如風動
搖而白色人飢大水而兵爭

宋志曰

溫星色白而大如風動搖常
出四隅東南則有兵將軍出
于野東北暴兵千里西南見
其地兵喪竝起西北見其地
大水人飢饉

流星自上而降占



朱文公曰

流星者天之使五星之散精也乃飛行列宿告示休咎流星自上而降自下而昇皆有光跡相連

晉書曰

流星天使也自上而降曰流出則使者出

飛星自下而昇占



朱文公曰

飛星自下而昇所之之地曰有使所墜之下言有兵好事乃蛇行而曲曲怒氣則聲震而降降

宋志曰

自下而上曰飛飛至地曰墜聲隆者怒之象也

晉書曰

飛星一曰奔星亦流星也自下而昇飛占與流星同

眾星並流占



朱文公曰

眾星並流則將軍並舉其兵

宋志曰

眾星陰陽五行之精氣其體在下光耀在上象官及物各因其源若飛反行萬人不安之象

白化為雲名天滑星占



朱文公曰

白化為雲名天滑流血積骨於飛流

宋志曰

星飛若流大而長數丈星滅則白化為雲而流下者名曰天滑

晉書曰

飛星大如缸若甕其後皎然長數丈星滅後白者化為雲名天滑所下有流血積骨

飛流異狀占

朱文公曰

白若周天為查山兵戰流血於隕墜
色赤而光照地者所往有兵色白而
前卑下者所之削邑有謀策則星自
敵來兵敗散則星投於壘帝王發使
慰勞散為公用將軍均疆割地縵縵
委曲照地而流四方者五穀不登有
光而如足布者以色占異眾庶流
徙則星飛而反行其國兵起則星
光而青赤

第七冊終記四十四葉

